

Pagina Rumantscha

Objektyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **74 (2012)**

Heft 6: **Bildung für nachhaltige Entwicklung**

PDF erstellt am: **17.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Gist avant igl agen isch

Furmaziun per en svilup persistent? Vez er da ponderar egn, dus, treis secundas? la bagn, cura tg'ia va santia tg'igl figl scolastic s'occupa ainten chell'ediziun cun chella tematica. Cun pacs clics agl internet sunga alloura neida infurmada – e tge surpresa – la furmaziun per en svilup persistent è navot da nov per me. la sung gio neida confruntada differentas gedas cun chella furmaziun e va er galdia chegl.

ZEGNA PITTET-DOSCH



Trotg da pionier u esser detectiv

Las scolas an Surmeir on la pusebladad da sa participar alla furmaziun per en svilup persistent tgi vign purscheida digl Parc Ela. Per unfants tgi abiteschan agl perimenter digl parc èn chegl deis d'acziun per scolas primaras, cò per exaimpel igls deis dalla natra glischa, igls deis dallas pulas u igls deis digls amfibis. En expert digl singul animal visita la scola en mez de e siva suonda en de antier or agl liber, noua tg'ena part è da luvrar ainten la nateira per migliurar las circumstanzas da veiver da chels animals. En'otra purscheida per unfants tgi abiteschan agl perimeter digl parc èn igls «Parc Ela detectivs». Sa participar pon unfants dall'amprema anfignen la seisavla classa. Chels detectivs s'antopan eneda agl meis per en mez u en antier de.

Durant chel taimp vonigl cun dus pedagogas dalla nateira e mintgamai en expert ainten la nateira per amprender l'ò ensatge, seia chegl dalla nateira, dalla cultura u

dall'economia dalla regiun. Pinavant è igl Parc Ela er preschaint tigl Pass da vacanzas dalla Pro Juventute Alvra e tar chel digl Surses e porscha l'ò curs tgi on er en cuntign cun furmaziun per en svilup persistent. Per exaimpel on igls unfants la caschung da biagier ena tgesa d'aviouls u d'observar igls reptils. Igl Parc Ela ò pero er purscheidas segl sector dalla furmaziun per

en svilup persistent per scolas d'orsoura. Cò per exaimpel «luvrar per la nateira». Scolas u classas pon luvrar singuls deis u er en'antier'emma per la nateira, per exaimpel cultivar la pastgira u er biagier meirs da crap. Dasperas dattigl instrucziuns curtas dalla flora e fauna u i vign er tschartgea igl senn dalla labour digls scolars. Anc en'otra purscheida èn las veias tematicas tg'igl Parc Ela ò instrado, en exaimpel è igl trotg da pioniers, en viadi agl center geografic digl Grischun.

Gronda peisa – pero er gronds costs

Per las scolas agl perimeter digl Parc Ela è chegl ena purscheida fitg vasta. Per exaimpel pigls deis da project spenda igl Parc Ela ad onn bung vantgmella francs. Chest onn ed igl onn proxim èn igl amfibis agl center. Per muteivs da capacidat pon sa participar ad onn angal treis scolas. Pigl Parc Ela èn tals deis da project betg angal ena dumonda da raps, mabagn er ena dumonda da capacidat da personal. Gl'am-

prem von igls responsabels digl Parc Ela alla tschertga d'ena nova ideia pigls deis da project. Siva fonigl en concept, i suonda la tschertga d'en expert ed igl ò nom da sierar la finanziaziun. Schi chegl è tot cler, vignan las scolas interessadas contactadas. Schi chellas vottan sa participar, suonda ossa l'organisasiun concreta per parager igls deis da project e la fegn finala vignan chels realisos.

Scu tgi Anina Sonder, la manadra da project per furmaziun d'ambient e purscheidas digl Parc Ela, declera, seian igls resungs tar las scolas anfignen ossa fitg positivs. Anfignen ossa seian tot las scolas sa partecipadas cun gost e vegian pudia profitar da chella purscheida gratuita. Igl Parc Ela tema er betg tgi chella purscheida perda l'attractivad sch'igl è adegna en'infurmaziun ainten scola e siva en de da labour oravant. Scu tgi Anina Sonder declera anavant vigna pruo da tschartger temas fitg variants ed er tgi la contribuziun digls unfants per lour biotop variescha mintg gEDA. En'eda stoptgigl revitalisar ena pale ed en'otra gEDA cultivar la pastgira. Cun tot las purscheidas agl sector dalla furmaziun per ena svilup persistent ò igl Parc Ela differentas fegnameiras. Unfants e carschias duessan esser pertscherts dalla bellezza dalla nateira ed er esser pertscherts da tigneir chito digl ambient ed uscheia er renunztgier a differentas tgossas per saveir mantigneir chegl tg'ins vegia. Cun chellas purscheidas vot igl Parc Ela sottastritgier tg'igls participants viglian far ensatge ord atgna voluntad ed uscheia aveir chito e far ensatge pigl ambient. Tar unfants monta chegl concret tg'els fetschan ensatge sainza tgi las persungas d'instrucziun u igls responsabels digls Parc Ela sforzan igls unfants. La fegnameira finala digl Parc Ela è: Igl unfants duessan ager cun atgna responsabladad an dumondas digl ambient.